

Vuodđoteaksta: Dárogiella

Ovttasbargošiehtadus gaskal Sámedikki ja Statskog SF

1. Álggahus

Statskog SF ja Sámediggi:

- Dahket dán šiehtadusa almmá dan haga ahte dat galgá áddejuvvot nu ahte dat mearkkašivččii daid gažaldagaid čielggadeapmi, mat čatnasit sápmelaččaid eana- ja resursavuoigatvuođaide sin árbevirolaš guovlluin.
- Vuhtii váldet daid njuolggadusaid ja láidestusaid, mat leat mearriduvvon Statskog SF várás.
- Árvvusatnet dievaslaččat go álbmotriekti suodjala sápmelaččaid vuoigatvuođaid sin kultuvrra, historjjá, árbevieruid, politihkalaš struktuvrra ja erenoamážit eana- ja resursavuoigatvuođaid vuođul.
- Barget dainna ulbmiliin ahte Statskog SF biras, areálat ja resurssat hálddašuvvojit guoddevaš ja dohkálaš vugiin.

2. Ulbmil

Ovttasbargošiehtadusa ulbmil lea ásahit einnostahtti rámmaid Statskog SF ja Sámedikki gaskavuhtii. Gulahallan beliid gaskkas galgá leat mielde ovddideamen áddejumi beliid bargosurggiide ja láchit dilálašvuođa dasa Sámediggi sáhtta mieđihit Statskog SF eanahálldašemiide, ja opmodagaid ođasmuvvi resurssaid geavaheapmái ja daiguin ávkkástallamii.

3. Doaibmaguovlu

Ovttasbargošiehtadus gusto daidda bargamušaide mat čuvvot Statskog SF njuolggadusain ja daid rámmaid siskkobealde mat čuvvot gustovaš rievttis, dás maiddá meahccelágas oktan dasa gulli lálkaásahusaiguin. Ovttasbargošiehtadussii gullet hálldašeamit ja doaibmabijut mat sáhttet váikkuhit sámi beroštusaide njuolgga, muhto ovttasbargošiehtadus ii leat oassi dain stáhta eiseválddiid ja Sámedikki gaskasaš konsultašuvdnaprošedyrain, mat mearriduvvojedje suoidnemánu 1.b. 2005 mannosáš Gonagaslaš resolušuvnnain.

4. Rievdaduvvon areálageavaheapmi

Go Statskog SF árvoštallá álggahit stuorát eanahálldašandoaibmabijuid dahje dilálašvuođaid dasa iežas eatnamis (dás maiddá vuovdima, láigoheami ja opšuvdnašiehtadusaid), mat váikkuhit, dahje sáhttet váikkuhit, sámi kultuvrii njuolgga, de galgá válđojuvvot oktavuohhta Sámedikkiin čálalaččat dainna jearaldagain ahte lea go sávahahtti čađahit konsultašuvnnaid dainna ulbmiliin ahte oazžut mieđáhusa doaibmabidjui.

Stuorát eanahálldašandoaibmabidjun adnojuvvojit bieggafápmohuksema, minerálaroggamat ja bartasadjehuksema jna.

[Skriv inn tekst]

Sámediggi galgá addit čálalaš ruovttoluottadieđu mañimusat 30 beaivvi dan rájes go váldojuvvui oktavuoha, jus lea sávahahti čadahit konsultašuvnnaid ášši oktavuodas.

Go konsultašuvnnat galget čadahuvvot, de ráhkada Statskog SF dábálaččat vuodđodokumeantta mas leat gaskaboddasaš árvvoštallamat, plánat ja doaibmabijut, dás maiddáí árvvoštallamat oahpes sámi kultuvrra, ealáhusdoaibmama ja guoskevaš suorggi servodateallima ektui. Dalle go gávdnojit areálaplánat mat dávistit plánejuvvon eanahálddašandoaibmabijuide, de sáhttet árvvoštallamat dan oktavuodas leat vuodđun ságastallamiidda.

Sámediggi galgá vuosttažettiin addin čálalaš ruovttoluottadieđuid Statskog SF vuodđodokumeanttaide ovdalgo konsultašuvnnat álggahuvvojit. Ruovttoluottadieđus galgá boahit ovdan lea go doaibmabidju vahágin dahje hehttehussan sámi kultuvrii.

Konsultašuvnnain galget čállojuvot beavdegirji. Beavdegirji galgá oanehaččat čilget mas ášši guoská, beliid árvvoštallamiid ja oainnuid, ja ášši loahppajurdaga.

5. Goappašagaide ávkin

Bealit leat soahpan árvvoštallat ortnegiid main sáhtta leat goappát beallásaš ávkin sihke sámi kultuvrii ja Statskog:ii.

6. Ovttasbargošiehtadusa čuovvoleapmi

Beliin galgá leat uhcimusat okta jahkásaš gulahallančoahkkin dán Ovttasbargošiehtadusa oktavuodas.

Gulahallan sáhtta dáhpáhuvvat goappát beallasažžii guoskevaš bargosurggiid ságaškuššama bokte, konferánsa- ja čoahkkinoassálastima bokte jed.

Ovttasbargošiehtadusa čuovvoleamis galget guoskevaš berošteaddjit searvvahuvvot dárbbu mielde.

7. Ovttasbargošiehtadusa fápmuibidjan ja bistu

Bealit galget oahpásmahttit Ovttasbargošiehtadusa iežaset organisašuvdnii, ja galget viidáseappot váikkuhit dasa ahte siehtadus čuovvoluvvo.

Ovttasbargošiehtadus gusto golmma jahkái ja boahdá fápmui go beliid gelbbolaš orgána lea dan vuolláičállán ja dohkkehan.

Mañimusat jagi ovdalgo siehtadusáigodat loahppá, galget álggahuvvot ságaškuššamat dainna ulbmiliin ahte Ovttasbargošiehtadus galgá ođasmahttojuvot.

Stjórdal ođđajagimánu 20. b. 2012

Marit Arnstad
Stivrajodiheaddji, Statskog SF

Egil Olli
Sámedikki presideanta